

## 族譜保管條例

族譜存於宗祠者由總管負責保管之發給各房及各公者由各房房長及各公經管負責保管之私人出資承領者由領譜人負責保管之總管房長經管有更換視其替代者領譜人有死亡視其繼承者

宗祠總管與各房房長及各公經管領譜後必便族眾閱讀私人領譜者必取之以教子弟不得故意藏匿亦不得任意拋散之

譜牒每年應按時曝曬其收檢不慎或曾不予人翻閱致霉爛蟲蝕者議罰如因水火之災或以檢閱次數過多而致污壞者不論

族譜每逢子午卯酉年冬至大祀典均須交祠檢驗一次檢驗主任由宗祠值年總管充之檢驗員則由總管臨時指定其保管不力者於此時憑眾懲罰之

本屆族譜至下屆譜牒告成之日不依舊例焚燒聽族人自由保管但宗祠總管每屆必須保留一冊以備日後子孫查閱

本條例如有未盡事宜下屆譜局得修改之